

DEN TUR COS...

Fotos y Texto: Jan Poets

AWE RIBA E FECHA 5 OCTOBER 2006...

ZUSTER GRACIELA KOCK TA CUMPLI 40 AÑA DI BIDA RELIGIOSA...



**** Awe Zuster Graciela Kock ta recorda 40 aña pasa cu el a drenta convento di zusteran di Devina Providencia na Hulanda. Zuster Graciela Kock e tempo ey tabata e di dos Zuster Arubano cu a drenta den e congregacion aki. Zuster Graciela Kock a conta "Den Tur Cos" con el a tuma e desicion pa ofrece su vida na DIOS pa e comunidad Arubano. Zuster Graciela a cuminsa conta cu for di su infancia e tabata tin e deseo di bira un zuster. E deseo a nace despues cu cada vez Zuster Graciela tabata tin contacto cu e zusteran na skol. E zusteran tabata stima Zuster Graciela masha hopi mes y esaki a motiva Zuster Graciela pa drenta den e vida religioso. Despues di a termina basis skol di Santa Teresita na San Nicolas, el a sigui su estudio pa kleuter leidster cu exito na 1956. Pero e deseo semper a keda pa bira un Zuster, cual deseo a bira un realidad na 1966. Zuster Graciela a viaha pa Venlo, Hulanda, na unda durante tres aña den noviciaat a haya e estudio di e reglanan di vida di un Zuster. Na 1969, Zuster Graciela a bolbe bek su Isla natal, Aruba, pa sigui su hoofdacte di kleuterleidster y alaves a inicia cu su profesion oficial como Zuster. Durante 40 aña, Zuster Graciela a contribui inmenso na e comunidad Arubano, tanto como kleuterleidster na e**



grupo di Arubanse Jongens Meisjes Gilde (A.J.M.G.). Tambe Zuster Graciela a traha trabaonan pastoral, e.o: bishita enfermonan na cas y hospital di hiba santo comun-ion. Na 1990, Zuster Graciela a baha cu pension, pero e amor y cariño pa e comunidad cu mas mester di e sosten den e parti caricativo, te cu awe ainda Zuster Graciela ta contrubuyendo tanto pa yuda parti paña pa esnan di menos recurso y bon pa cuminda. Tambe Zuster Graciela tin e Kapel Emanuel na su encargo pa prepara tur siman e santo sacrifician di Misa y mantencion. Porcierto cu Zuster Graciela a keda como e unico Zuster di su congregacion na Aruba, pa cual e mester acudi tur anualmente cerca su superioran na Venlo, Hulanda. Pa e ocasion tan bunita aki, diasabra proximo lo bai tin un santo sacrificio special na Kapel Emanuel y despues di e santo sacrificio, lo bai tin un brindis di celebracion. Mientrastanto awemainta pa 8:30, Zuster Graciela Kock lo ta invitado di honor durante e programa di Poets Show na Top 95 fm, na unda Pueblo di Aruba ta keda cordialmente invita pa rindi un merecido homenage na un gran yiu di tera cu durante 40 aña largo a sa di contribui sagradamente y incansablemente na e culto Pueblo Arubano, specialmente na esnan di mas necesidad. Staf y redaccion di DIARIO y

specialmente "Den Tur Cos", ta felicitá y alavez gradici Zuster Graciela pa e bunita trabao religioso y caricativo

durante e 40 aña na bienestar di nos dushi Pueblo Arubano. PABIEN y cu DIOS lo sigui drama su Ben-

dicion pa Zuster Graciela Kock sigui eherce e bunita trabao como ZUSTER pa ARUBA...



**** Foto historico na momento cu Zuster Graciela ta ricibi su bistrí oficialmente como Zuster..**



**** Naturalmente pa e trabao tan importante na e comunidad, Zuster Graciela Kock a ser reconocí pa e respetable condecoracion di su Majestad La Reina, cual a ser entrega pa Gobernador Felepitro Tromp (q.e.p.d.).**



**** Aki tabata e momento cu Zuster Graciela a tuma despedida prome cu e viahe pa Hulanda du su mayornan, Mama Graciela y Papa Jose Kock (q.e.p.d.).**



**** Foto di recuerdo di e cursistanan cu a ricibi nan Cruz como cooperador pastoral...**

DEN TUR COS...

Fotos y Texto: Jan Poets

ZUSTER GRACIELA KOCK RECORDANDO 40 AÑA DI BIDA RELIGIOSA...



**** Zuster Graciela Kock cu e Santa Comunion pa enfermonan na cas y hospitaal...**



**** Zuster Graciela como lector den Kapel Emanuel durante Sacrificio di Misa..**



**** Zuster Graciela dilanti Imagen di Maria hunto Aida y Nilda, leidsternan di A.J.M.G..**



**** Zuster Graciela durante un bishita cerca un enfermo den hospitaal...**



**** Zuster Graciela ricibiendo e Cruz como cooperador pastoral for di man di Mgr. Ellis (q.e.p.d.).**



**** Aki durante partimento di paña pa esnan di menos recurso..**



**** Foto di recuerdo na momento cu Zuster Graciela Kock tabata ricibi pabien for di un di su alumnonan di Kleuterskol tempo cu el a cumpli 25 aña como kleuterleidster na Arubanita Kleuterskol...**



**** Foto recordable di 21 aña pasa ta ilustra Zuster Graciela entregando un alumno su diploma di kleuterskol. Porcierto e alumno aki di nomber Selena actualmente ta un dokter na Hulanda, mientras foto mas abao ta recorda e grupo A.M.J.G. na aeropuerto prome cu un viahe pa Corsow den compania di Zuster Graciela como nan leidster..**